





正心詩集卷之八

李珍舉人母年九十作蟠桃圖請予言為老人光華用坡韻

蟠桃有樹撐太空托根元自紅塵中度索之山渺何  
許人間企慕瑤池宮云胡好事付丹繪迺心獨古咨  
良工毫端變化特奇崛俄頃躍出蒼精龍領珠結綴  
到九顆偷桃兒豈移山翁三千年來人不老烏飛誰  
復知雌雄日行東陸不停晷木德方盛春無窮晴光  
熙々徧八極滿堂氣色能和融平時吾亦覩壽者或

艱步履多龍鍾不如此媿晚更健一生常幸  
堯年豐斑衣膝下有兒戲選錢萬中真青銅壽域天  
開近南斗歌詩亦足觀民風

春祀 靈泉因疾弗躬遣世子代

寢園羅布碧山陬祭掃年々豈慢遊夢裡不迷華表  
在望中如見白雲浮紅酣綠暗春光老蝶怨蜂愁日  
色柔爭柰病軀難自勉出言遣子淚先流

穀雨採茶二首

穀雨今朝是登山興便賒經年尋故事應淚啜新茶

終勝沽村釀初勞汲井華味色香三絕龍團製已差  
何處春深好城陰淨梵家入門山似畫在席酒流霞  
陟遠須攀樹登高為摘茶烹嘗三二碗清興浩無涯

贈許憲副由湖廣提學陞霸州兵備

湖南傳報擢山東臺上瞻烏憲體同化雨一施衿佩  
整飛霜所至甲兵雄江門折柳從今日河渚觀蓮振  
古風文事曲來兼武備茲行可喜勒成功

贈程憲使

琴鶴今為入蜀行長江西上振先聲錦樓雲起風光

麗玉壘烟銷樹色平高擢要津沾寵渥久持公道  
理刑名別時偶閱新安誌人物彬彬半是程

坐觀植苗偶成

苑內東隅數畝田秧針滿眼綠芊芊方塘水漲連朝  
雨高樹陰濃首夏天治世自應無曠土耕夫於此望  
豐年鼓音坎々吾真樂况有香醪泛玉船

和韻桂軒五月一日登山

登臨勿論山南北但願風前酒瓮香蒲梗也酒携滿  
袖藥苗忽復採盈筐古人陳迹興懷屢江水山流望

眼長對景成詩何率爾豈因樹杪挂斜陽

和韻吳月濱讀六子書有感

愧我知文後何能識太初本來原自實大道豈云虛  
莊子全牛說劉安鍊藥書行年逾半百記性不前如

李舉人索扇和韻

邇來愁溽暑蚊蚤發生初淫雨無乾土頑雲結太虛  
好揮安石扇莫遣右軍書會有天風至清涼得自如

贈林利瞻都憲

寵擢茲馬迹

帝都已多遺愛在荆湖  
戎冠且喜新加豸列戟  
還依舊集烏累世仙班  
誇嗣續一生仕路任馳  
驅青雲綠樹江天迥  
餞別何須作畫圖

漢陽林貳守署岳郡  
寓下二長史為求贈言

朝宗門外雨新晴  
貳守從來政有聲  
攸往每於江上渡  
獨賢又向岳陽行  
雲開高樹三人俱  
遠風定重湖水  
自平代價古稱君子  
事佩刀何日上神京

喜晴和前初字韻

半夜聞簷溜晴來五鼓  
初爐中香地  
濕枕上夢魂虛

喜極因開酌吟餘  
謾曝書不知衡宇下  
為況却何如

五月晦日作

六月明朝是生憎  
暑雨來陰雲終日積  
陽氣幾時回  
翠折城頭樹青堆  
屋下苔最多愁嘆者  
天意莫能猜

七夕

千秋牛女夕悵望  
鵲橋空玉宇風初起  
銀河信竟通  
世人爭乞巧神事  
杳難窮盒內蛛絲結  
臨時雨氣濛  
半百增一有感

五十一年瞻化日  
每懷百戰肇基功  
相承衣弁居人

上不信蓬壺在海中欲免風愆常省事此世未啓沃願  
攄忠老來對酒生愁緒大水何由卜歲豐

贈鄧侍御

良材早擬棟梁須清望人稱近所無動嶽威風臨故  
楚翻瀾文藻出新吳官航何問秋江濶憲節聊同夜  
月孤歸覲

天顏知有喜條陳一、是嘉謨

海山齊壽圖賦為吳月濱六十

若有人兮乃在東海之澨南山之巔超逍遙兮雲月

澹容與兮風烟方怡神于物外聊寄興于吟邊山不  
徙山之峻極海不徒海之茫然一有契于大道斯可  
必于長年攬壽富兮入手與高遠兮齊肩雖化工之  
與我寔中命之自天方甘少也仗英標恃妙質抱登  
山之想挾觀海之術鼓文瀾兮浩渺吐詞氣兮峭劣  
芳蹤起兮淮壘佳譽騰兮江浙步初窘于進取心不  
關于得失爾乃讀兵書嗣宗職統巨艘兮海運致粒  
米兮山積謾射矢兮潮頭逐馳車兮罔眷度大行之  
險巖懷洪流之泛溢寒輒透于行帷煖不容于坐席

指嶺月兮南遷睇海日兮東出朝發棹兮溘浦夕秉  
節兮大別佐湖間兮得入相我邦兮聯戚肇合好兮  
銀潢亶增光兮 金冊何宦情兮頓減羗閒居兮自  
適矧令子兮春元有賢孫兮世嫡時則謝幕府跂仙  
壇入空谷聽鳴湍遇至人于邂逅授要訣以盤桓笑  
商顏之芝老陋度索之桃蟠繫解佩之甚易諒脫屣  
之非難摩銅狄之新鑄感藍橋之舊歡鋪細縕為之  
席挹沆瀣為之餐分乃圭之半匕服金丹之數丸集  
啣花之白鹿舞照鏡之青鸞眼瞳方而轉綠鬢絲細  
而微斑如日月之長在極乾坤之大觀蓋將付物我  
于無盡期而栖于東海與南山也乃歌曰南山長  
兮東海深丹霞變幻兮無古今酌予以長生不老之  
春酒侑之以曠世寡和之清音行千瓢兮坐百榼飲  
不醉兮醒還斟自茲而泊鴻蒙以為家又何慮夫暮  
境之相尋

秋祀致齋

可堪佇聽雨滂沱簷溜奔流似決河爭訝滿天皆水  
葉怎教平地不風波齋心夜靜神偏爽搔首秋深氣



漸和報祀叢壇知有感變災為福藹民歌

聽蛩

蛩聲不已有多言靜坐空街聽亦煩  
流火而今漸消盡啁啾且許伴雲根

贈劉憲使

霜風凜冽仗英標遠道焉知嶺外遙  
寵命自天陞總憲榮行有日報崇朝  
青楓江上烟波闊黃木灣頭月色饒  
共羨大鵬南徙日天池奮翼上扶搖

中秋夜

范：天宇淨無塵雲散風收月滿輪  
今夕平分秋色半常年獨擅物華新  
袁部牛渚情何洽庾老南樓迹已陳  
金粟飄香自天下舉杯對酌肯辭頻

黃都憲擢貳冬官奉

命掄取大木

頃自烏臺擢起卿馳驅楚蜀任經營  
令寬須使民情便事集能期木道行  
天濶兩川山愈遠秋高三峽水將平  
城頭向曉銅鉦掛車從如雲地位榮

和桂軒九日韻

九日登高還望遠  
落霞孤鶩帶斜陽  
吟詩自惜秋將盡  
對景誰知老更狂  
紅葉隨時能改色  
黃花何事未聞香  
我今有成因無約  
不放諸昆坐兩行

賜承奉王憲詣西州考牧

王事勞心履舊遊  
先聲料已及秦州  
千年也教資長業  
萬里馳驅贊遠謀  
載過武關新雪盛  
重瞻羊嶽瑞雲浮  
征鴻早遞平安報  
西顧吾應百不憂

謝惟晉吾堂菊二首

芳園秋暮得黃西  
百種應尊爾

臨風增歎

息嚴霜布令耐寒凄

粉容嬌態說西施  
可笑黃花也姓西  
有美在中非間色  
霜前月下使人迷

賜引禮舍人王鏗迺姪上舍承恩懇請

斬然頭角挿花枝  
好事欣逢此一時

鳳詔載頒恩有等  
鴛班攸序禮從宜  
重城迥見秋風急  
高閣稀聞畫漏遲  
小相始諧章甫願  
入雲喬木蔭

江湄

頌厝有感

鳳曆載頒驚改歲，魚箋試展歎增年。  
樽前白髮偏生色，鏡裏紅顏欲退妍。  
寒透兩丸新日月，楚分三戶舊山川。

皇仁仰荷無裨補，萬里雲開上是天。

贈丁都憲舊嘗合湖臬

乘舟江漢是重臨，聊慰斯民十載心。  
坐席剛來知未煖，離觴此去惜頻斟。  
錦城冠佩迎如送，玉壘冰霜後視今。  
歷外功多當內轉，關廷五夜問車音。

題愚菴卷

菴成扁作愚事，可糊塗抱朴翻同拙。  
思誠本近迂，江湖動星象。  
田野督新芻，自守無他慮。  
浮名未足詰，長至。

陽升地底瑄，飛灰宮線添。  
量晷影回盡，剝群陰猶未雪。  
將交殘臘已先梅，老來不對菱花鏡。  
愁破頻斟椒葉盃，心切拱。

宸眠不穩那禁鍾鼓迤相催

西湖觀魚

昔人獨釣寒江上，豈似西湖我縱遊。  
舉網得魚文鬣

動開樽有酒，蟾珠浮輕風。逐浪聊停棹，密雪翻城正。  
擁裘南國豔，年先示北老。懷暢飲百無憂。

欽頌恩紀，含春堂集拜觀占二絕

紫微文采壓三台

聖學淵源有自來，兩帙珠璣光奪目。夫生

皇考縱多才

九重恩命睦宗親

寵賜詩文教誨頻，業心恒拱北。傾忱願祝萬年

春

贈余方伯之滇

江岸風吹酒甕香，臨行祖道倍輝光。鶯聲睨睨三春

麗鶴思踰躔，萬里長

眷注有隆躋，左轄旬宣無遠被。炎方入朝擬在暮前

後可聽工歌蔽帝棠

懷寧侯北上

仙槎汎汎是知津，喜氣先浮驛路塵。珎重賢侯將使

事恪恭，老我荷

皇仁，山城樓外催寒日。江樹枝頭發早春，擬向樽前

歌四牡臨風莫厭酒行頻

贈陸中書

官居中秘有英稱軒旆南行氣既增寄興皇華人景  
仰宣

恩藩國我祇承東風作陣江梅發北斗回杓海日升  
燕饗方慚儀弗備雲霄凝睇鳳鸞騰

元日

試筆當元日晨風已太狂臘前無此異節下是何祥  
幸值三陽泰還期五福昌天灾行比屋修省意倉皇

宗廟春祀

三齋仍七戒所祭儼如生鶴馭天邊降龍墀雪後晴  
爐薰昭肝饗祝帛表精誠錫福邦家泰新年百物榮

贈金副郎

兩年佐郡驛書徵贏得清名萬口稱江樹南枝纔向  
日谷風北路正消冰

特恩僅見曾誰擬高位遙知自此升世羨一生忠孝  
在春來門閣倍光增

長春寺宴羣從昆季

閒來古刹遠紅塵寶塔燈焚正及辰感興成詩何怪  
熟隨緣酌酒莫辭頻烟霞結秀諸天近草木敷榮萬  
象新幸際明時多樂事無邊光景總皇仁

齋居夜雨

春宵尚作寒風雨漏聲殘推枕吟難就挑燈卧未安  
市囂驚雜吠窓曙度飛翰靜定消凡慮天君拱北壇  
贈鄭少叅之陝

關塞遙々彼一方輶車發軔趁春光旬宣但使邊儲  
足馳驟安知驛路長地勢至今稱沃野人情自古愛

甘棠喬遷未覺橫金重佇看從容入廟堂

夜半聞風

孤館春風夜何聲近且高城樓驚宿鳥江岸湧層濤  
清夢成飛動中心坐鬱陶花朝來日是時節去滄

孫都憲自撫湖改操江賦詩以贈

才力於人幾倍過烏臺重沐

帝恩多改陞再興鴻導渚感召方傳虎渡河

定鼎金陵王業固治兵天塹士心和三春強半饒

行色徧野東風上綠莎

潘玉卿都憲巡撫遼東

歷官齊楚擅芳聲  
擢撫遼陽又北征  
徧野桑麻比日樂  
土沿邊營壘是精兵  
霜飛夜帳群鳥集  
星綴春旗萬馬鳴  
山海關頭

徵命下羽儀  
朝著更光榮

盛方伯由總憲陞任

黃鵠山頭月倍明  
即今宣政舊提刑  
鞭笞不忍推求  
盡錢穀備從出納  
清漢水方城歸治化  
金章紫綬披恩榮  
薇垣日永春風暖  
樹心喧呼雜頌聲

題修靜寺

名利稱修靜  
相傳古誌青  
荒頽知廢久  
營建幸從初  
萬樹浮青靄  
千崖競綠渠  
禪家風景別  
一寂是安居  
靈泉久缺躬  
祀迺用申請  
得允而行

孝思重遂瞻華表  
祀事今修荷

玉音萬狀哀情惟  
墮淚五年廢禮最  
傷心仙園春暖  
山雲起官道風柔  
谷鳥吟曠野幸無  
豺虎跡向東十里  
栢森

新建大悲閣

靈泉佳處湧層臺寶閣新成寔壯哉百億化身瞻妙  
相三千稱號免凶灾有為法說如零露無盡燈然映  
上台接引西方誰得度可知無去本無來

松軒輩為拂塵之宴于高遠堂

春祀靈泉未覺勞芳塵元不沈征袍高情相慰排珍  
饌妙理難酬有濁醪好鳥綿壑遠樹長江浩渺送  
洪濤堂前多景堪吟眺步轉山坡意愈豪

望雲引

朝望雲暮望雲雲飛朝暮常細溫朝暮之日不足

望之只在湘江曲湘江水勢吞衡山此雲不出山水  
間山雲逸岫青不了江雲貼水何彎環山人有兒出  
求仕有術割烹猶未試肥肉大酒詎足珍須學參乎  
能養志山人忽念兒將歸轉盼飛雲是白衣山人念  
兒一翻手恍若飛雲化蒼狗此雲變幻無定時道遠  
何當慰孝思朝暮豪吟望雲引不信人生常別離

穀雨觀茶宴羣從昆季

數畝仙茶石縫栽頻年穀雨此登臺風前試看旗鎗  
展雨後須勞來摘來滌器文園心自渴畫葫學士首



空迴何如對鼎資烹啜席上吟懷大放開

題畫

誰人戲寫小神仙道貌童顏不計年  
點就金錢歡不盡世間那許得真傳

和韻三司諸公鶴山書院聯句世子召之飲

招賢今始四門開園綺高山肯下來  
撫景如臨文杏館聯詩試擬栢梁臺  
榻懸永日須重設鉗磬隨時可  
屢陪風送花香天未晚客情懽洽勸酬該

五月一日自述

自笑年來老更慵拋書日午睡魔攻  
細看蒲艾叢綠空對葵榴艷紅尚憶少年曾奪綠可憎今日謾張弓  
祇緣燕處無真樂酬節徒能把巨鍾

五九菊

五九開時以菊名一年兩度掇奇英  
端陽可共榴簪髻九日相陪茱上纓  
把酒興長欣易醉賦詩才短苦難成  
臨風三嗅馨香少屈指東籬洗破觥

余錦衣承恩乃肅敏公之孫來佐湖閩三年  
擢視蜀篆

誰如富貴故鄉歸佩印升輿志不違  
勇冠三軍臨帥閫味調五鼎奉慈闈  
龜城神已先龜笑錦里人皆羨  
錦衣行使綏夷功有叙  
天恩褒賚更增輝

五月十三日神會飲第筠軒輔國家

往矣髯翁誕此辰四方誰不仰尊神  
托交在古爲三友作會而今有數人  
祠宇薄雲隨地勝香烟浮樹逐  
時新筠軒座上南薰至酌酒何辭百榼頻

桂軒惠以佳品隨占口號爲茶

納涼又坐相思甚尺素馳來抵萬金  
吾汝此時能勿藥天香社裏戒長吟  
莫把騷詞苦々吟貴軀何啻重如金  
默存不離無言處養氣還當不動心

城南有禱雨者

風旗徒轉脚雷鼓不聞聲畏日光偏盛  
陰雲結未成懶龍潭底卧怪鳥樹間鳴  
祈雨如無術誰能慰俗情  
姪中尉禱喜雨有詩孫長史以和章進因用

繼作

人情當暑盡張皇禱雨如期降一方可是神靈能感  
應信然年歲免凶荒宗人志喜傳詩句國相摠誠入  
諫章兩順風調民足食

聖朝治化比虞唐

有求斯得見心誠瓢潑盆翻是雨聲喜極令人忘夜  
寐望深從此必秋成細緼雲蔽千山黑浩渺天連一  
水平燮理陰陽非細故吾亭何以擅斯名

再和前韻先是長史奉予祝文禱于社稷山川

瞻彼紅雲繞玉皇普施沛澤下災方七龍治水當初

伏三日為霖遍大荒苦熟所須惟藥石感時相和有  
詞章老來翻愧無才思敢肆狂顛擬盛唐  
請禱初心仗一誠涓滴溜不停聲方憐雲漢詩難  
繼更訝高唐賦已成三戶可占新穀熟八方爭道泰  
階平只緣此雨隨車至惹得兒童問姓名

總制尚書王公晉溪七十壽章

三邊營堡甲兵雄總制今年起潞公班白舉皆推宿  
望汗青端合論前功天驕遁伏龍沙北  
錫命頻繁虎帳中遐福從茲應未艾一時伉儷壽筵

同命... 寄郭憲副周藩甥

身親戎事遠巡邊持憲能聲到處傳玉帳有嚴臨  
身繡沙場無警息狼煙論功匝月曾三捷被薦經年定  
九遷出自吾宗真可羨祥符何獨盛才賢

寄魯總戎

將門出將非虛語世職西陲亦偉哉累受  
皇恩惟有感謹修武事寔多才秋防河上驅車過夜  
獵山前擁炬回此際邊人誰不羨衛青幕府屬新開

行年五十二自述二首

半百年增二常防溺宴安紅顏憑酒助白髮滿梳殘  
讀易時相玩吟詩強自寬園林秋漸晚搖落未須嘆  
半百年增二逢時強自歡凝神惟仗藥努力且加飡  
天旱思霖雨風高任羽翰暇來常戒子舊國穩如磐  
再用前韻答紀善高德崇

半百年增二將心每自安風微蛛網密香細鴨爐殘  
納々乾坤大茫茫海宇寬昇平人有慶年矢詎須嘆  
半百年增二棊書儘自歡早涼何假寐日宴或忘飧

創業勤征伐貽謀重屏翰冥鴻當遠舉何乃漸于磐

納涼

一有涼颯至秋暘不敢炎庚從三伏起暑退十分嚴  
暮色多籠樹陰雲亂落簷披襟偏覺爽靜坐樂無厭  
風雨大作

齊館納新涼奔雷入夜狂陰風連嶺海爽氣徹荆揚  
欲去先水簟相留且芻裳澄心真似洗萬慮已都忘

齋居對月

持齋此夕值中秋對月如從物外遊四境有光同上

國一時多興勝南樓樹頭驚鳥棲無定水面明星燭  
未收致禮山川成歲事涼天風露自悠

贈校文郭正郎日休

手持文柄莅全荆喜向樽前聽鹿鳴多士可知辭理  
到當朝方見治功成青雲布陣天應近丹桂飄香  
月正明館閣例從郎署轉莆陽况復盛才名

贈吳主政龍

賓筵好聽鹿鳴歌部使南來事匪他俊彥如雲工較

藝

聖明此日重開科  
風前丹桂飄香遠  
露下皇華發興  
多布武亨衢  
兄及弟同時袍笏被  
恩波

登高二首

誰道豪吟不是狂  
新筍共飲淡鴉黃  
登臨正際西風  
晚感慨應隨逝水長  
樹色渾如鋪錦繡  
鳥音還勝聽  
笙簧自家意思無人會  
醉倚危欄數鴈行

九日來朝是登高  
眼界長隨時傾楚釀  
逐處據胡牀  
露葉何多赤  
秋花不肯黃  
風前思往事  
落帽為誰狂  
贊畫王千戎霖滿歸索詩

轅門長日坐談兵  
借箸功多此報成  
遠戍旄紘安火  
食深山夷獠任刀耕  
天邊鴻鴈三秋夢  
江上帆檣萬  
里情  
夕役何如還樂國  
祥雲開見石頭城

宗廟冬祀

白露為霜遍九衢  
宗祊晨入肅階趨  
三時獻享心尤  
切  
六羽翩翾禮自殊  
嘉稻馨香堆玉粒  
新醪清美注  
金壺禮云在廟湏言廟  
可是幽明默感孚

宴高遠堂

初冬綺席映晴山  
履新霜石磴斑  
樂曲古今分七



原件短缺

奏珍饈水陸貴多般風鳴落木千崖動天鴻長江一帶潺湲樂及時無廢事浮生半日是偷閒

感時歎

深冬無雨雪晴日煖如烘到處泉源竭經時杼軸空人心良自惕天道可能窮安得翻盆下滂沱偏國中

餘月四日夜風雨大作

幡然沛澤自天來徹夜狂飈亦怪哉初比五丁施巨斧倏如萬馬踏空峽盈城木板人心惕枯井泉流地脉開從此不須憂太旱漸看春意透時回

鶴玉樓人醉擁新貂自緣呵筆吟懣減誰似圍爐樂事饒白戰不須堅壁待報投何苦計桃瑤

贈申都戎

會武當年第一人遷除幾沐

帝恩新建旄將畧元無敵下筆文詞更有神楚澤樓船纜載鶴京營楊柳正逢春偶歌維嶽生申句臨別令人感羨頻

擬閣樓觀雪

八窓一夜積瓊瑤瑞氣相連萬里溪呵筆更須開玉



府凭闌恰似度銀橋梅花忍凍隨時放柳絮因風着  
意飄喜見豐年足三白江村無處不歌謠

元旦試筆

已丑年交五十三蟠然兩鬢不須慚壯心未負屏翰  
寄素履寧為富貴酣雞骨可憑豐采卜鹿蕉難共俗  
人談朝來但願無風雨一望南山正蔚藍

次韻月濱求花樹

芳菲須是及時看種滿新園諒不難可無麝香眠石  
竹不憎蛺蝶戀山丹春光并浮瑞氣重護

玉欄許作一方風月主興來莫放酒杯寒

宗廟春祀

廟庭事、五更三進止如儀免內慚眩目相看蓮炬  
擁清心自覺樂音韶輕風融煖開黃道佳氣葱蘢接  
翠嵐對越此心無不敬旌旄肅、子城南

喜雨

仰看斗柄從東指密霧濃雲積似塵昨暮東風吹轉  
急支頤喜聽雨聲新

園林既槁潤還蘇眼底相看起綠蕪鑿井喜添新活

水不知 帝力比唐虞

齋居

自古春光不厭晴而今空望密雲生  
麥苗未出墮頭土旱氣常依江上城  
群樹暗時春鳥亂八窓開處晚風輕  
齋心為奉祈年祀祇願隨車雨似傾

贊畫王千戎倫滿歸索詩

遠涉江湖過五年常趨幕府贊籌邊  
犬羊未易馴夷性貔虎真能重將權  
荒若寒雲空百變大營春柳又三眠  
還京風采應增倍惟不貪功也足賢

和李教授韻

山川祀享不違時興從臨澶雨澤隨  
自許丹忱由我致却憑文告使神知  
一春勤苦農功亟三戶歌謠歲事熙  
聞說長途多餓餒伊誰能免向隅悲

齋居雷雨

春深旱極始聞雷萬紫千紅取次開  
可是慵龍眠不得霎時風雨滿天來  
喜看好雨潤芳埃水溢長隄地脉回  
明發山川嚴祀禮祈年曾不廢風雷

穀雨

一種茶來已數年芳辰約侶興悠然相携採摘穿山  
徑自取烹煎汲澗泉雀舌總抽新雨出牙旗正展短  
籬邊從知石鼎饒風味七椀何須羨玉川

和韻吳月濱謝櫻桃之作

崖蜜摘來聊致餽詩人方卧碧紗厨色映銀盤猶自  
瀉味如瑤液一何腴堪充鳳食圖無數枉被鶯含種  
木孤強起東軒成小坐頓教興發免毫濡

和韻吳月濱春盡感懷

妙藥元能驅瘡鬼芳樽每欲酌花神韶光將過春應  
老樂事還多志不負捉筆試吟青玉案買舟思繫綠  
楊津閒居贏得聲名起絕勝金銅鑄此身

贈許憲副由湖叅陞兵備

榮遷憲臬冠加豸百二河山指顧間勁氣遙知浮渭  
樹先聲可信壓秦關至明能辯杯中影用壯還增鏡  
裏顏從此廟廊當大拜不忘遺愛在瀟灣

題欽天監官袁德冊

遊遍名山術未踈登名薦刻入

皇都尋龍應在頻移步相土何曾苦按圖陶侃伏牛  
成大貴伯倫荷鋪豈凡夫丹青誰為傳形相山澤中  
宜有此癯

和韻桂軒感興

吟杜安居有所思艾人長縛掛門時穿楊昔日曾爭  
勝奪綵何年不自竒江上交龍亡闔舸塞南飛虎罷  
征旗韶光如水無瀕嘆且泛蒲觴望遠涯

正心詩集卷之九

鴻臚朱鎮奉

命以明倫大典來賜勞之以詩

天書遠帶紫泥香感激

皇恩特賜將四牡春馳浮喜氣五星晨見藹文光牙  
籤錦帙今堯典漢水方城舊楚疆奉使重勤來倏去  
佇瞻雲鳥快翱翔

端午日

世事任漫、佳期強自寬昔年思豹變今日效龍蟠

榴火炎朱檻蒲香溢畫欄舉觴拚一醉狂態在毫端  
宗廟秋祀弗躬為歎賦以自解

冒暑身多病扶筇步覺難宗枋應亨祀書館敢偷安  
陣、商飈急紛、木葉殘時思空自切安得奮飛翰  
生日自述二首

年五十加三終朝似夢酣

天書常在几霜髮不勝簪搖落憐秋樹蒼涼挹晚嵐  
浮生空半世俛想自增慚

行年五十三短髮愧鬢髮華靡心無競清玄性所耽  
城秋浮草樹雲晚漾湖潭世事紛如蜩何須一語

和韻桂軒詠剪金紗

四時萬卉發天機王不留行獨逞緋玉露潤占紅粉  
面金風吹綻絳紗衣雲鏤簪處留秋色藥圃栽時映  
晚暉但使病根都拔去歡娛還悟少年非

齋宮二絕

秋雨渾無草木荒未全搖落已堪傷階前敗葉隨風  
舞也逐流螢過短牆

殘漏聲沉箭已傳驚回清夢未安眠自憐祀事行來

熟一寸丹衷尺五天

省牲北壇

空江飛早鴈衰柳咽新蟬報祀臨壇所虔心拱上玄  
旌旗催列仗城堞引歸韉近訝神休至遙知國祚綿  
後齋之夜

尋詩不出步迴廊箕斗四旋夜未央寂々瑤階風忽  
起一闌花影露生涼

小坐纖々月上窓幽齋不用照銀缸草虫爭語添吟  
思却悔南樓奏鼓逢

贈張總漕

其父嘗為湖閩

書劍東還近十秋重來猶是舊風流城南使館惟携  
鶴江上官船更起樓豈必三千曳珠履祇須十萬上  
揚州

聖明選將兼文武有筆如椽未許投

挽敬義堂

髡髮論交日今踰四十年未忘携手語更作斷腸篇  
家法能遵祖宗盟果象賢情懷姻舊仰聲價士夫傳  
夜月猿啼苦秋風蝶夢翩哀思空洒淚玉骨已成仙

夜雨

枕畔初聞是雨聲，  
涓涓檐溜漸如傾。  
盆池昨已成乾，  
沒溝澮今皆動滿。  
盈起視棊書，  
嫌潤着坐親燈火。  
覺寒生秋深，  
屈指重陽節。  
率爾豪吟八句成。

重陽寄諸昆弟

籬菊淺含黃，  
新萸酒未香。  
連朝風帶雨，  
幾夜露為霜。  
題品吟難就，  
登臨興且妨。  
一杯期共酌，  
直待小重陽。

賜醫士劉永學

明醫曾今喜得劉，  
卽奕世相傳。  
按秘方不遠，  
圖經精素難。  
直從金匱溯，  
岐黃杏林雨。  
後饒春色橘井風，  
前有異香共羨活人陰。  
德厚賢聲久矣播，  
湖湘

賜醫士武志剛

遊遍名山與大川，  
傍人疑是地行仙。  
眼前藥盞憑精製，  
肘後方曾得秘傳。  
繞戶寒雞啼杏雨，  
隔簾老鶴避茶烟。  
縱令有手能醫國，  
市井何妨結一廛。

賜醫士趙泉

精醫特許繼前賢，  
三折肱餘思入玄察。  
脉如神聊肯處，  
方有道是心傳。  
秋深杞菊穿籬早，  
風煖蘇苓出

土妍陰德積來元自厚滿林紅杏映霞天

登高席間口占

屈指三時盡登臨興未休共嘗新甕醕還對故山秋  
紅葉堪娛目黃花亦點頭茱萸雖遍插嘅嘆幾人酬

索惟善堂菊

名花歲歲獻來看今歲無花悶倚闌肯使淵明空對  
酒嚴霜應有幾枝殘

和韻桂軒夜雨隨筆

冬祀齋居雨乍寒一聲孤鶴唳層闌銀缸欲照化顏  
落瓊筆繞空酒已乾床下蛩吟無限思席間兒戲有  
餘歡那堪宮漏初長夜詩句推敲愧未安

二長史宴高遠堂席間口占

文會偏宜笑口開登臨當此興悠哉香騰玳席排珍  
饌春動金樽泛綠醅黃菊霜前成冷落蒼松雲外倚  
崔嵬賡歌未罷山城暮昏黑何妨秉燭迴

贈徐月厓方伯

天涯望、錦帆西遠宦

明時道不迷往哲曾聞携一鶴奇蹤猶見立三犀岷



江水落沙痕淺劍閣雲開樹色齊作牧一方民向化  
春遊可過浣花溪

許提學擢太僕少卿

湖南兩任鐸聲同鄉寺新遷位愈崇京室命官惟伯  
問海邦作頌自僖公原間畫草迷金勒陌上香塵振  
玉駿馬政從今應復始入朝旌節帶霜風

為世子書院新成疏請

賜名崇本賦以紀事

書院宏開不動塵

命名崇本荷溫綸守邦當以財為末省已惟於德是  
新天上文光浮藻繪人間盛美集儒紳  
殊恩優渥無輕視兩字煌煌百世珍

長至後連日見雪

洪鈞轉一陽晝漏覺初長雪霰連朝作風雲徹夜翔  
燕居思至理撫凡惜流光瑞應豐年兆高歌侑舉觴

慰孫長史失儷

為撫琴絃感斷痕時、悼往默無言淒涼空灑風前  
泪惆悵難招月下魂夜半豈堪聞唳鶴秋來不欲聽

啼猿鼓盆箕踞何為者可恠忘情老漆園

贈胡南山都憲

一月之間進兩官西南聞說路漫漫有勞奉  
勅臨烏府無忝乘輅擁多冠雲白天青王化洽律回  
春動遠人安行逾萬里非難事極目炎荒是大觀

臨窓映雪

晚起攤書映雪光前言往行識難忘現池凍合還接  
筆默坐長懷古哲王

登樓賞雪

凭闌遙望豁雙眸疊玉堆瓊雪滿樓何處暗香來陣  
陣梅詩端在樹枝頭

和韻桂軒喜雪

一夜漫空絮窓前鶴未知風光彌下土梅蕊發南枝  
石髓何時遇瑤臺有所思同雲佳句得遣使到庭墀  
新正試筆

元旦同朝只望晴豈知入夜雨如傾聲掀急溜疑摧  
屋影動濃雲恐壓城南面一生無日怠東風萬物有  
時榮樽開滿酌屠蘇酒盡使曾中磊砢平

宗廟春祀二首是夜雷雨大作

新歲連旬雨陰天不肯晴一寒催日短群蟄駭雷轟  
鼓樂嚴時享和鸞謹夜行敬存焚瘞後香霧藹重城  
春首修常事端居萬慮忘致齋惟一敬秉禮木全荒  
日月開新曆儀文率舊章先靈如在上升福自穰

武靖伯奉使還朝

四牡駸駸早夜馳重勤伯爵過江湄朱門改歲偏多  
喜玉節宣

恩更有儀寒薄山城懸宿雨春饒驛樹茁新枝稔聞

武靖勲名赫載篤忠貞值盛時

贈毛中舍

吳下家聲起狀元南來誰不迓行軒地分清切官西  
掖天語丁寧使遠藩夜雨槎頭新水泛春風城畔  
好花繁咨諏深得皇華體雲路寬平任鳳騫

夜雨

一夜雨聲如潑水病軀展轉未成眠披衣起聽寒更  
盡抱膝吟看宿火然國計自應循舊轍韶光真是負  
新年老懷欲遣憑何遣且讀南華繕性篇

齋居風雨交作

一夜風生萬竅號，渾疑溟海鬪鯨鼈。  
老天布陣飛寒雨，平地成河起怒濤。  
齋館香烟浮絳幄，城門草色暎青袍。  
茲來農事無須卜，潤澤偏多透土膏。

省牲喜晴

黎明起視半晴天，雲歛風輕景色鮮。  
將為春祈嚴歲祀，臨壇躬自省牲牲。  
古道傍經細柳營，杖頭聒耳轉流鶯。  
肩輿步穩春風暖，遙望長江一掌平。

感懷

鳳返丹霄去，愁雲尚自飛。  
飛時知作雨，向晚落庭闈。

宗廟夏祀

致齋嚴祀典，首夏氣能清。  
肸鬻知神事，時思展孝情。  
旌旄垂雨重，環珮引風輕。  
禮罷天將曙，流鶯遶殿鳴。  
分送穀雨茶，兼憶桂軒

穀雨茶芽年復年，隨時採摘尚依然。  
畫堂賓席多虛席，吟社詩仙已化仙。  
暫免高山聆鳳吹，好將活水試龍團。  
潤喉破悶須三椀，閣筆沉思得幾聯。

贈王僉憲改提學雲南前任吏部主事

墨突從來不暇黔提刑暫過楚江潯榮遷萬里風光  
遠濶別三春柳色深荒服鳥言知向學外臺多繡待  
橫金相期指日膺徵命吏部文章簡

帝心

張憲副改視蜀學

桃李花開白間紅星軺西上布春風明刑已運匡時  
意視學應成作士功行到錦城懷葛相往尋石室謁  
文翁驛書何日膺

從命報國惟知仗寸忠

贈張侍御

遠巡荆楚擅雄才奉

命踰年即召回周制到今稱御史漢儀酌古重蘭臺  
青驄行路人爭避白日飛霜樹欲摧強仕最應蒙  
寵注豸冠此際正崔嵬

端午述懷

龍舟今不競騎射亦亡旃蒲艾香仍在葵榴色正鮮  
清風來殿闥玄露醉宮筵樂事殊非昔追思一惘然

贈柴少叅

佩玉橫金荷

帝恩清時治化比虞軒土疆分轄湖仍貴官品聯名  
臬復藩山雨隨車侵曉密野花接堡到春繁四方知  
我元無夢但睹雲邊有鳳騫

贈周臬坡都憲

新從外臬陟中臺清要真宜用世才行色匆匆離夏  
口先聲赫々振河隈霜飛驛樹肩輿進雨泥京塵眼  
界開

聖化祗今同大舜賡歌應復詠康哉

進

聖壽表口占

為祝吾

君壽馳心向紫宸龍函歸日角鳳吹出江濱遠道四  
千里

皇圖億萬春曉天開霽色玉漏逐時新

夏至

夏至一陰生南薰五兩輕長江新水漲清翠遠山橫

未晝遲移刻良宵速報更四郊愁夕雨時今以雷鳴  
閑中述懷

萬慮千愁掃不開日移花影夕徘徊雖云世事都如  
夢未許吾心遽似灰晦必有明今是古寒而復暑往  
仍來細推物理何終極行樂隨時亦可哉

驟雨晚晴

高空飛霹靂驟雨晚來晴歛澗金波泛婆娑桂影橫  
炎威通夕散爽氣逼人清搔首渾忘寐躊躇百感生

贈朱南岡亞卿

報道樓船載鶴行江天浩渺水雲平三湘誰不瞻都  
憲八座今方進亞卿漸近日光催曉發猶存霜氣入  
秋橫欽哉惟恤承

君意淑問元非浪得名

賜鑿士胡文椿

蚤於鑿術慕岐黃海上傳示總秘方受報利多應倍  
蓰通神功著豈尋常杏林董奉千花滿橘井蘇耽一  
勺香總徃城南又城北活人心在不知忙

七夕

秋夕初臨氣已涼空階散步漏聲長銀河離恨增惆  
悵星渚佳期竟渺茫海內徒聞連理樹人間難覓返  
魂香可知乞巧多成拙謾看蛛絲繞畫堂

行年五十有四

坐閱昇平六九年鏡中髭鬢未皓然開樽尚有歡悰  
在倚檻渾無俗慮牽急雨聽殘聊一詠高風企夕絕  
三愆安閑無事皆為福滿樹鳴蟬七月天

秋風作

商飈一發滿堂秋洶、湍聲瀉樹頭暑氣已應收歛

盡孤燈相對夜悠、

齋宮

主祭今經二十年自緣涼德懼招愆皇、水旱頻仍  
後翼、風雲際會前尚儉漸應教事簡持齋且復使  
心虔春祈秋報無他祝但願吾邦乂更堅

十四夜齋

暝雨歇無聲朦朧月漸明山巔仍自斂城堞未當傾  
楓葉飄來赤桂花開處清齋居無所事坐聽短長更

中秋對月



澄心邀素月，目眩未生花。且戒金罍酒，頻煎石鼎茶。  
商飈侵白葛，涼露濕烏紗。興笑南樓淺，齋居寂不譁。  
無風無雨值重陽，未覩籬間半朶黃。糕餌堆盤循故  
事，露珠濕帽倍新涼。白衣滿望來清醕，烏有空令洗  
破觥。佳節但能酬酌，酹壺中日月自悠長。

贈胡大叅

三湘五嶺路漫漫，旌旆西行眼界寬。跋涉祗緣

新命注旬宣，會使遠人安。環山象跡浮嵐濕，夾砦榕

陰白日寒。除拜邇來如返掌，明年當復多加冠。

元日喜雪

一冬慳雨雪，正朔舞漫漫。凍合飄瓊粒，陰濃滾絮團。  
新年千里潤，舊國萬人安。草木皆萌動，春融自不寒。

三日再賦

連朝不放晴，遠路礙人情。岸上山皆合，家下戶盡扃。  
屠蘇斟玉斝，香茗煮銀鑪。察文明日居民樂，太平

寄劉松石都憲

三十年來擅令名，輶車幾度莅咸京。屢遷輒擬當清

要獨坐爭看荷

寵榮塞上捷書連  
夜發河西老戍及春耕  
吾邦生此無雙士  
好與夔龍接武行

寄劉總戎

光膺

寵命統全軍  
喜動轅門鐵騎群  
環慶以西馳露布  
河湟之外淨塵氛  
戰袍色敝經年換  
刁斗聲喧徹夜聞  
百戰未須躬自運  
從來誰不誦賢勲

寄苗叅戎

遙聞英旆起蘭州  
况值邊庭武備修  
當宁頻年惟選將  
叅戎指日可封侯  
北風不競胡塵息  
西域還通賈客留  
春到黃河水盡解  
滄如帶是安流

十一日試燈感懷

華燈依舊照椒房  
人遠幽冥更渺茫  
尚憶去年供笑語  
堪憐今夕倍淒涼  
名香一爇雲千變  
罇酒纔斟淚兩行  
扶起嬌兒心似割  
送瞻遺像斷肝腸

夜坐小樓戲作吳體

夜深孤坐怡神樓聽過初更傳二籌華燈數盞綵焰  
起異香一爐雲篆浮靈臺湛然偏寂靜春意到此殊  
知素只須安卧任呼吸夢中心與天為遊

二十夜燈

佳節元宵過燈殘興未殘依然張綺席對此即吟壇  
月影侵杯裏霜華潤筆端鶴鳴驚夜半強起獨凭欄  
二月一日晚出齋宮漫興

五鼓嚴霜撲面寒出門漫自整衣冠星臨萬戶開黃  
道日薄孤城走赤丸紅放苑梅香氣合青搖堤柳曉  
風殘祈年先使吾心肅未祀神車已在壇

喜晴是日

御書適至

再宿齋宮甲子旬雲收雨散好晴春鴻飛溥渚歸何  
速鵲噪巡簷喜亦頻靜啓小窓臨麗景恭憑淨几閱  
溫綸山川丁此承平日肅々祈年信有神

夜坐

坐剔銀缸夜未央篆烟銷盡水沉香穿窓兔魄清光  
好對此幽人興更長

坐滌吾心不染塵靜來一念已通神民安物阜江山

麗百穀豐登兆在春

省牲遇雨

雷雨風雲信有神  
斯湏帝澤被生民  
省牲歸自叢壇  
後曉日微茫古岼濱

郊行冒雨聽鳴鳩  
四野陰雲遠近浮  
樹、傷春珠淚  
濕祇應嫩柳未開眸

翫牡丹

芳園逸檻牡丹開  
不用花奴擊鼓催  
把酒臨風花不  
語長吟應自愧非才

又三五七言

對花卿縱我情  
花卿如解語國色比傾城  
知無十日  
湏殘落銀燭高燒酒滿觥

清明感懷

老來底事是生涯  
詩酒隨緣對物華  
一醖香醪常自  
酌兩聯新句許誰賒  
門楣柳禱還成絮  
苑園蜂忙欲  
散衙當此無風無雨日  
韶光晴麗約雲霞

閑詠

幸際昇平度歲華  
那堪俗務亂如麻  
澆愁惟有一壺

酒破悶應須兩碗茶  
閑步芳園聽啼鳥  
獨凭曲檻玩  
飛花韶光屈指無多日  
老我風前謾自嗟

過東山新家

新家春生草斑斑  
竹數竿山猿投古木  
野鹿伏重攔  
逝水知難返  
閑花視亦殘  
朝還暮淚袖幾曾乾  
靈泉山房感興

瞻望先園馬首東  
白雲遍起布長空  
山巔杲杲陽光  
麗洞口滔滔水勢洪  
好鳥春深爭集木  
寒猿書永苦  
號風邇來追遠心  
尤切華表時曾入夢中

穀雨茶

春光隨處屬詩家  
盈掬鎗旗揔嫩芽  
薦梳自靡煎活  
水開樽何必酌流霞  
九峯名品移根早  
三戶遺風到底嘉  
歲高堂成故事  
綵箋贏得墨如鴉

又三五七言

雨前茶雨後茶  
採之不盈把  
貴此黃金芽  
其來不變色  
香味瀉出銀瓶浮雪花

千葉紅蓮

照水丹房碧玉枝  
枝頭千葉逞神奇  
豈憐南海三珠

樹不貴中山五色芝日暮靚粧霞襯臉天炎赤體玉  
為肌翠盤擎出仙人露對此何妨醉一卮

雨中植苗口號

應時好雨趁農耕滿眼禾苗快我情可是田園多樂  
事樵歌牧笛總歡聲

每到茲辰看插田秧針盈把綠芊芊人生須是知農  
事玩味幽風第一篇

贈劉侍御

驛樹秋來落葉頻威聲偏動避驄人壯齡大耐風霜

任勁氣真為柱石臣三戶提封綏服遠一年巡歷繡  
衣新臨岐猶自詢民瘼章奏重達

紫宸

端陽

歎息芳辰又一年楚荆遺俗每蕭然龍舟不見江頭  
競虎艾還從戶外懸老去光陰何太駛醉來筋力不  
如前嘉穀旨酒知時節惹得南薰動綺筵

用前韻答月濱

共樂昇平莫問年壯心白首尚依然切蒲又逐香醪

飲罷粽空將綵索懸畫虎更須張幕次飛鳥無復聞  
江前良辰美景真難放對月還聞啓夜筵

宴高遠堂

高山遠水奠斯堂登眺令人思渺茫古寺飛雲平草  
樹層臺鳴鳥和笙簧清時俗羨超三代壽域天開抵  
八荒無事不妨長日飲毫端揮洒摠詩章

夜興

好雨聽還止秋深氣自清隔城通鼓韻遶砌雜蛩聲  
永夜如心靜高空似掌平桂花香滿室孤詠有餘情

齋居

坐對銅君默不言齋宮凡百匪思存蛩吟砌下頻相  
聒鴈過樓頭尚自喧黃葉亂飛風掠地碧雲盡散月  
臨軒清秋祇祀神昭格雨順風調擬報恩

十四夜月

冰輪仍欠一分圓端為秋光不欲眠桂影婆娑香可  
掬舉盃相對思悠然

秋光可得幾回圓愛此涼宵耿不眠開宴賞心還自  
足南樓着我更超然

十五夜月

銀蟾騰起海東頭，徹夜光馳萬里秋。  
星斗分明還自轉，烟雲淨盡不相留。  
碧梧飛葉填宮井，金粟飄香入酒樓。  
笑拍欄干歌一闋，劈橙滿飲勝金甌。

九日無花

從來風雨近重陽，豈似今年旱可傷。  
采山萸無足握，遲籬菊未容芳。  
懶尋陳迹三回首，謾賦新詩一舉觴。  
五柳先生今已遠，高名千古占秋光。

題梅東卷

屋西滿樹盡梅花，素質何煩采艷加。  
香逐遠風吹不斷，影隨明月照還斜。  
也知春意元無限，可信人生自有涯。  
結實應為調鼎用，海濱喬木更誰家。

孫長史進秩四品，高遠堂置酒

奉職慇懃務保全，帶金新麗映華筵。  
山堂晴放風光好，苑樹秋凝黛色鮮。  
借筆論文移晷刻，倚欄覓句展雲箋。  
爭名仕路何須羨，羸得清安也自賢。

凌芥溪都憲病中嘗致餽，問既愈以詩來謝。

依韻答之



未論牀足用龜支多福從來萃孝慈天佑吉人年未  
艾地當要路日方遲矢心報

國師諸葛掉舌圖功陋食其造化小兒非所苦  
九重眷注一無私

滿前屬吏候門開一靚霜顏一快哉藥劑可辭知恙

去詩章有作謝醫來溪芹未許鄉心動臺榭還於宦

業催此際大僚虛幾席江湖暫使振波顏

芹溪都憲再枉佳章中夜弗寐復得二首

稟生何必問干支外貌能剛性亦慈小恙未經三月

久喬遷繞筭兩年遲交辭喜已占无妄轍迹知曾放

不其汕州在南北往來雙眼潤湖湘勝槩更誰私

盈、黃氣兩眉開好事流傳豈易哉奏劄方從湖外

上

寵恩還待日邊來封疆奠楚江流遶節候臨冬鴈陣

催千古南樓明月在元規風範未容頽

長春山即事

今年偏怪菊開遲却為登高訂此期城郭山橫塵絕

處江湖水落鴈來時不妨酌酹傾千榼還把茱萸插

一枝天氣融和秋漸老賓筵酬倡有新詩

怡神樓

怡神端坐在茲樓九百何曾起念頭內景黃庭須自  
守外方丹竈任他求晚年只以閒為樂永夜惟知睡  
便休枕上悠然無別夢半生不事盤遊

殘菊

霜花色漸頽節候苦相催已敗陶潛香與難攄孟老懷  
臨風空寂寞步月且徘徊根老深培植明年許盛開

晡時小雨

薄暮霏々雨初更緩々風霎時星燦爛永夜月朦朧  
鴈影孤吟外砧聲百感中自交長至後冬意似春融

夜雨

夜雨重衾冷聞聲耿不眠壁燈光隱々簷溜滴涓々  
沾漑知何已生成諒自然渴心逢此潤無以報蒼天

西湖樓船新成

西湖樓樣製新船冬日来遊小洞天岸柳條長紫臘  
意嶺梅幹老弄春妍開筵寒散盈樽蟻舉網光騰縮  
項編城北城南從眺望臨流鼓枻意陶然

泛舟

新樣經營具一舟為招仙侶事清遊湖中風定波紋  
緩城下天開地勢浮釣得錦鱗鮮可食賦成珠玉妙  
難謳臨風感慨情何已借問登瀛似此不

長春寺觀燈後小酌

觀燈乘暇到長春光透琉璃夜達晨

聖化誕行調玉燭佛慈普照見金身啣花老鹿生千  
歲說法高僧隔幾塵秩々賓筵文字飲開懷共是太  
平人

崔東洲提學轉叅政于閩

步自薇垣升以漸文從鸞掖出非凡廟堂大拜猶虛  
席江海奇遊試舉帆郢樹雲深春冉冉閩山花滿氣  
嶮々欲將雙眼窮天壤捧到除書又改銜

齋居晚雨

山南山北結陰雲密雨如期蔽曉昕翔燕穿簾能自  
語啼鴉繞舍不堪聞琴書可訝增新潤苔蘚何知沒  
舊紋春祀祈年先有兆齋居無事掬爐薰

午望

遙望山頭絕點氛，青天寥廓疊晴雲。  
春鳩喚雨頻來去，長日齋居似不聞。

六言

五更月色如晝，四野天光尚微。  
一帶青山矗矗，千條綠柳依依。  
耳畔流鶯睨睨，眼前穠李芬菲。  
撫景春深賞歎，省牲事了旋歸。

過東山新塚

曉行遠道出青丘，寒暑推遷已二週。  
暗哭嬌兒先夜語，為傳柒意到墳頭。

為介子保康王擇葬地于永豐山  
雲擁豐山翠幾重，一泓綠水遶溶溶。  
保康擇此堪埋玉，計日當為馬鬣封。

靈泉感懷

泉山春祀復年々，一望先塋一點然。  
風樹有聲酣白晝，水雲成陣接青天。  
孝思驚覺三時過，令緒祇承百世傳。  
此日清明當改火，朝來厨舍散新烟。

過九峯

雲飛石罅關重關湖上旋車過此間四面峯巒如豹  
變千行松檜似鴛班禪機頓悟終何有歲序頻更亦  
等閒城郭相望天氣豁誰云法界遠塵寰

凌都憲和前二詩仍韻以荅

泉山經始國初年天與人謀兩卓然夾輔建功掀宇  
宙本支垂統接曾玄偏多雲氣千峯滿更有松聲萬  
壑傳今得烏臺懷古什令人清興發茶烟

招提好在隔郊關縱覽聊於半餉間野水遶田橋作  
界山雲分路樹聯班問禪無往非虛幻秉禮從知是  
大閑賡和今逢淮海俊恍如騎鶴在人寰

穀雨

上巳踰三日纒々綠滿枝春山遊不厭穀雨至如期  
袂襖羅裳薄煎嘗茗味竒鳩鳴并燕語疑是新詩

三五七言

大龍團小龍團年年三百片薦以黃金盤沙溪顧渚  
且莫說春山採摘東風殘

粉團花

庭前一架粉團兒丹茜姿容玉雪肌清曉盈々新雨

露含情無地佩恩私

喜雨二絕

最愜人情是雨聲  
田禾得此勃然生  
朝來已滿陂塘水  
可信魚鰕也解爭

禾苗將稿沾時雨  
南畝斯須滿眼青  
自是天公回造化  
夜來已見月從星

即事

荆南舊俗今全異  
遲暮偏驚節序忙  
江上不聞為競渡  
人前謾道有端陽  
欲存古意聊炊粽  
強對茲時獨

泛觴老境衷懷同  
子夏臨風灑淚不成行

贈張方伯

總憲馳聲僅歲餘  
遠來人報有除書  
薇垣尊大方虛席  
梅嶺間關載牽車  
俗美易於敷治化  
時清當此謹儲胥  
尉陀樓上登臨日  
海氣浮天一鏡如

虛山黃懷季予識其名  
畫中久矣今年迺辱  
致之為書畫  
豈碑以垂不朽  
既竣事賦詩以豔  
其行

書畫于今兩絕倫  
曾疑松雪是前身  
每臨絳閣能存

古但染丹青便逼真彭蠡湖光秋浩渺靈泉山色畫  
嶙峋南遊詩什知還富江左風流更幾人

第三子禫除

季子三年服禫除及此時傷情空陟屺忍淚尚牽帷  
勉奉嚴親意能歌孝子詩純誠自天性勸我把金卮

自歎

太虛有象生而壯後隨衰到老休俛首十年如夢  
過百允擾繫心頭

羞對青銅醉臉紅皤然絲鬢亂蓬聰明頓減非疇

昔惟有丹衷與少同

六月雨

久旱何人不望霓天高欲問竟無梯雨來薄暝聲尤  
急風起先秋陣自西滌去塵氛通澤國挽回生意滿  
田畦勤民有禱如能應志喜仍從六月題

立秋

梧桐葉落五更頭知是依期報早秋秋早不須瞻斗  
柄天邊大火已西流

風送商聲到樹頭夜深感此賦悲秋秋來多少傷心

淚脉々無端枕上流

誕日

羲娥增我年將近六旬邊步履雖如舊聰明不似前  
自慚清興減惟賴美名傳歲月成虛度絲毫未報天

又

守藩年望六俛首自尋思俯育應無愧閒居諒有宜  
入秋三日雨增我數聯詩此日何清爽風前笑鬢絲

齋居苦熱

天高露氣微殘暑仗餘威中夜渾無寐西風尚未歸

闌干聊徙倚熠燿正紛飛偏袒天街坐吟成汗漬衣

李大參

青々草色發江隄報道星輶已向西敷淺原頭惟土  
見太行山脊與天齊風聲動地寬徭賦霜氣橫秋急  
鼓鞳致位藩垣猶事外夜深有夢陟金闈

城南省耕

早稻乾枯祗可傷青々晚見插成行茲來非取田園  
樂老去須知稼穡忙雨後催耕鳴布谷草間賈勇鬪  
螳螂開樽不用歌金縷牧子遙々笛韻揚



狂風大作

亢旱烈如焚彌空布赤雲夜深當有露秋後轉多蚊  
月隱殘星見林疎落葉聞商飈何處發涼思解餘醺

齋宮乍涼

西風作意狂枕簟乍生涼聽入鳩聲緩吟隨鶴夢長  
齋居清似水老境辣於薑祀事嚴秋報山川許降祥

十五夜對月

今宵秋意極驕盈一縱吟眸快我情碧海晴天無少  
障瓊樓玉宇更多清風吹桂樹騰香氣城溢湖波映

月明靈藥從來誰再得不如春酒泛霞觥

泛舟

風雨西湖上天然一段清浮萍逐浪去饑鷺傍舟行  
銅角鳴馳道雕輿出禁城筵開新酒至佳興坐中生

水雲山月亭

雲根水出已多年月起山頭覺更妍亭構重新風景  
在秋光當此倍于前

秋深水面帶雲清應有山靈護此亭好月在天何忍  
負醉來還擬罄雙筵

負相來墨謝蒼髮絲

林影水西帶雲影懸青山靈巖九亭故月每天可感

每林出管北舒子館

雲耕水出已多半月城山懸覺更放亭靜空條風景

水雲山日亭

離魚魚此世都與出林林致開海陳空對與坐中主

風雨西歐上天清一翅影影飛逐不食類空對世林

女世

正心詩集卷之九終





